



# Arubaanse Courant

Anja 25.

DIAHUEBS 21 MEI 1964

No. 5037.

## ANTI-CASTRISTANAN TA LUCHA CONTRA CASTRO NA CUBA

MIAMI, 21 mei.- Segun exiladonan Cubano na Miami trupanen di comanda a explota seis brug na Cuba.

Den cada un di e provincianan di Cuba nan a explota un brug riba camindanan estrategico. E operacion tabata intencion pa stroba e movimentunan di trupanen Cubano y tabata bou di direccion di Manuel Artime, lider di e invasion cu a fracasa na april di anja 1961.

Radio Havana a participa cu e obreronan Mericano den e provincia Cubano oriente a wordu mobilisa pa defensa dje pais y pa defensa dje produccion. E stacion di radio a anuncia tambe cu e ministerio Cubano di salubridad a lla e poblacion pa duna sanger den cuadro je medidanan, tuma pa por enfrenta un eventual situacion di emergencia. Manera anuncia desterradonan Cubano a amenaza cu accionnan nobo contra gobierno di Castro. Tabata masha ketu na Havana, encontra di noticianan foi Miami cu a anuncia actividadnan di trupanen di desterradonan riba teritorio Cubano. Maske a wordu anuncia foi fuente autorisa cu forzanan di guerra vol varios dia pasa a wordu trese den estado di alarma, nan no a mira nada den e ciudad y pueblonan cu ta muestra riba fortificacion di polis o milicia. Periodista di corantnan di exterior, cu tabatin idea di haci viahenan pa den e pais, a hanja dje ministerio di asuntunan exterior e peticion pa sus-

pende e viahenan propuesto. Un funcionario dje ministerio a bisa periodistanan cu e ta spera cu e actual situacion di alarma lo dura solamente algun dia. Un boso-ro di e grupo di Cubanonan cu a bula seis brug, locual nos a anuncia caba, despues a contradeci e noticia aki. No ta cla si el a haci esaki mientras e ta spera un anuncio oficial dje lider Manuel Artime o di a haci esaki door di noticianan cu el a ricibi di partidarianan na Cuba.

New York Times a scribi cu un grupo di saboteador y infiltrantenan bou di direccion di Manuel Ray, lider politico dje ataque di 1961 cu a fracasa, ta prepara riba un aterizaje na Cuba, pa construi atrobe e movimentu ilegal contra Castro. Ray, ex miembro djegabinete di Castro, anja pasa a

priminti, cu dia 20 di mei, dia di Independencia Cubano e lo regresa e isla.

Otro grupo di desterradonan tambe a haci mesun promesa. Un boso-ro dje ministerio Mericano di asuntunan exterior a declara en relacion cu un pregunta, riba un conferencia di prensa, di no a ricibi ningun noticia tocante salida di grupo di desterradonan pa Cuba. El a recorda, cu politica di Merca ta pa mira cutales ataquenan lo no wordu enprende foi teritorio Mericano.

### Trupanen Danes pa Chipre

NICOSIA, 21 mei.- Galo Plaza, e representante especial na Chipre di secretario general di Nacionnan Uni, Oe Thant, a declara na un mitin cu prensa na Nicosia, cu e trupanen di Nacionnan Uni riba e isla, despues di yegada mas den e siman aqui di un unidad Danes, lo ta capaz pa tuma un actitud mas fuerte. Nos lo percura e ora ey pa loque a wordo conveni sosode, asina Plaza a bisa.

El a expresa su preocupacion grandi riba e hecho cu e gobierno Makarios no por a duna detaye di destino of estadia di 43 chipriota Turco cu ta perdi.

Un portavoz oficial Turco-Chipriota a participa na Nicosia cu shete Chipriota Turco, cu for di 21 april t a wordo tene presu pa Chipriotanan Griego, a wordo liberta. Personal di cruz roja a transporta nan pa e barrio Turco di Nicosia.



Durante e weekend di Pentecoste un equipo di futbol di DOW Aruba a bai Corsow pa hunga algun partido contra coleganan di Corsow. Despues di e wegane ma-

drina di DOW Corsow, Srta Celestina (robez) a entrega e madrina di DOW Aruba Srta. Norma Wever (drechi) un recuerdo di e encuentronan deportivo.

### Repartimento di tarea nobo pa deputadonan

ORANJESTAD, 21 mei - Diamars pasa B.C. di Territorio Insular di Aruba a bolbe reparti e tareanan di e deputadonan. Esaki a bira entrante ayera manera lo siguiente:

1. Deputado I.S. de Cuba:
  - Servicio general, entre cual e departamento asuntunan general di bestuurskantoor y e ambtenaarnan den servicio general; brandweer;
  - servicio di Obras Publicas; hulphestuurskantoor na San Nicolas.
2. Deputado A. Falconi:
  - departamento Bevolking en Burgerlijke Stand di bestuurskantoor;
  - arbeidszaken en werkverschaffing;
  - agricultura, ganaderia y piscamento;
  - servicio veterinario;
  - maatschappelijke zorg.
3. Deputado D.C. Mathew:
  - trafico y transporte, entre cual servicio di Luchthaven y servicio di Haven- en Loods;
  - telefoondienst;
  - domeinen;
  - volkshuisvesting;
  - voorlichtingsdienst.
4. Deputado G.A. Oduber:
  - E departamento di personeel-zaken y registratuur di bestuurskantoor;
  - gezondheidsdienst;
  - enseyanza, asuntunan cultural y volsontwikkeling, entre cual biblioteca publico.

Deputado F.J. Tromp:
 

- 2 - centrale tabuleerdienst;

- asuntunan economico, entre cual welvaartszorg y turismo;

- financien, entre cual accountantsdienst y kantoor di eilandsontvanger;

- water en energiebedrijf.

Tambe a wordo dicidi pa den futuro determina e reemplazo di deputado manera siguiente: Deputado I.S. de Cuba door di deputado A. Falconi; deputado A. Falconi door di deputado D.C. Mathew; deputado D.C. Mathew door di deputado I.S. de Cuba; deputado G.A. Oduber door di deputado F.J. Tromp; deputado F.J. Tromp door di deputado G.A. Oduber.

### Italia ta protesta

ROMA, 21 mei.- Gobierno Italiano door di intermediacion di e comision Europeo a protesta contra algun fabrica Aleman y frances di auto cu ta Zarfa e carganan fiscal di e belasting nobo italiano riba venta di autonnan, cu a wordo introduci pa gobierno Italiano na luna di februari como medio den e lucha contra inflacion. Asina a wordo informa di fuente autorisa na Italia.

Algun agente di autonnan estranhero na Italia, segun informe, a ofrece pa nan mes paga e belasting, of pa nan duna un radio di auto como regalo of algun cien liter di gasolin.

## FATUM

Pa tur bo aseguranan

Tel. 1845.

### Complot descubri na Paraguay

ANSUNCION, 21 mei.- E minister di interior na Paraguay a participa cu un complot di coronelnan a wordo descubri. Parce cu e coronelnan tabatin intencion di baha president Stroessner. Stroessner, quende algun biaha ta wordo yama tambe "e ultimo dictador di Sur America, ya ta cumpli casi dies anja na poder. Segun e minister e complot a wordo dirigi for di Buenos Aires unda dos coronel di Paraguay, Alfredo Ramos y Bernardo Aranda, ta biba en exilio.

Segun e minister e coronel Alberto Meyer, cu ta cu pensioen a actua como hefe di e operacionnan di e conspiradornan. E coronel aqui huntu cu algun otro ta bou di arresto.

Finalmente e minister a bisa, cu diabierna anochi un grupo di revolucionarionan a wordo detene, algun kilometer for di e capital Asuncion ora cu nan quier a baha na terra cu botonan chiqui.

### Chroesjef ta elogia pueblonan Arabe

PORT SAID, 21 mei.- Chroesjef a declara na un reunion masal na Port Said, cu pueblo di Egipto ta haciendo milagernan actualmente, cualnan ta surpasa considerablemente esnan di e faraonan. El a priminti yudanza di Union Sovietica pa e lucha hustifica di e pueblonan Arabe.

E premier Sovietico a expresa su desaprobacion tocante e accionnan imperialista, entre cual el a menciona tambe e eactitud di Inglatera na Aden.

El a bisa tambe, cu Union Sovietica ta di opinion, cu mester hanja un solucion husto y razonable pa e problema Palestino.

Chroesjev a adverti tambe pa e amenaza serio di libertad di e estadonan den e parti oriental di e territorio di mar mediterraneo, cu lo presenta si en caso, sin admision di e paisnan ey, lo manda submarinonan cu raketnan Polaris den e awanan ey.

### Jiu di minister Lampe ta casa

DEN HAAG, 21 mei.- Senjorita Lampe, jui muher di minister plenipotensario di Antillas Ulandes na Ulanda, diasabra awor lo drenta estado matrimonial cu senjor L.G. van Veen. Senjor van Veen ta maestro ne Ulo school, Profesor van der Leeuw na Amsterdam.



MENTHOL FRESH

RICH TOBACCO TASTE

MODERN FILTER TOO

# Merca ta dispuesto pa defende independencia di Laos cu arma

WASHINGTON, 21 mei.- Merca a adverti, cu e ta considera medidanan - tambe riba terreno militar - pa protega neutralidad e independencia di Laos. Un portavoz di e ministerio mericano di exterior cu esey a reacciona riba preguntanan tocante eposibilidad pa manda trupanen mericano pa Thailandia, manera a sosode na anja 1962 den cual tempo tabatin un crisis na Laos.

E portavoz di e ministerio Mericano di exterior a bisa cu e actividadnan di Merca na Laos ta dirigi riba un solucion diplomatica di e crisis na Laos. Nos no ta exclui ningun medida, cu lo por ta necesari pa mantencion di independencia di Laos, na cual nos ta obliga como firmador di e acuerdonan di Ginebra, asina el a agrega.

Otro funcionarionan di e ministerio a bisa, cu e comentarionan di portavoz tocante e posibilidad di medidanan militar no ta contene, cu Merca lo considera intervencion na Laos mes.

E portavoz a bisa tambe, cu e accionnan agresivo militar di Pathet Lao y e forsanan militar Noordvietnames den llanura de Los Llantos ta forma un amenaza serio pa e gobierno di coalicion y e acuerdonan di Ginebra.

E noticianan recien ta indica, cu e ataquenan di Pathet Lao ta sigui y cu e forsanan pro-comunista parce ta haci intencionan pa saca e trupanen di gobierno completamente for di e llanura, asina e portavoz a bisa.

Pathet Lao pro-comunista na Laos segun e agencia di prensa Nueva China, a contradeci, di a ataca trupanen neutralista den llanura de Llantos y na algun otro caminda.

E neutralistanan a lanta contra e guardianan imperialista di

Merca y contra lidernan derechista, pasonibra nan tabata malcontentu riba e recien golpe di estado. Merca a baha paracaidistanan den e teritorio aki. Tambe e agencia di prensa a ripiti un contradiccion oficial den cual ta ser bisa, cu jamas trupanen Chines a drenta Laos. El a bisa e agencia Vietnames comunista di prensa, cu noticianan tocante presencia di trupanen Noord Vietnames na Laos ta un mentira.

Observadornan di exterior na Peking no ta hanja probable, cu China, lo insisti cerca principe Soephanouvong lider dje agrupacion comunista na Laos pa un armisticio. Un suspension dje bringamentunan, segun ta ser bisa, lo duna e trupanen derechista y neutralista, eposibilidad pa restablesimientu.

Na Bangkok a ser anuncia pa e prome minister Thailandes, mariscal Thanom Kittikatsjor, cu el amanda trupanen pe teritorionan cu ta keda na frontera cu Laos en relacion cu e crisis den supais bisinja. Tambe el a conta periodistanan, cu el lo tin cu e embaahador mericano na Bangkok, Graham Martin un conversacion tocante eventual llegada di trupanen mericano pa su pais.

Comandante dje trupanen neutralista den central Laos general

Kong Le, a desocupa su cuartel general temporal na Ban Khong y a retira den serrunan, segun general Som Boon comandante interino a participa. El a conta cu Pathet Lao a tira durante 24 ora largu cu artilleria Noord Vietnames riba su trupanen den llanura di Llantos. Jamas nos tabata sa, cu nan ta dispone di un tal artilleria, segun e coronel.


## Jets that have more Oomph

ORANJESTAD, 21 mei. "Oomph" ta e grito nobo awor na Trans Caribbean Airways.

E palabra aki por worde hanja awor den tur reclamefolder di e compania di aviacion Mericano aki. "Trans Caribbean Jets have more oomph", "we think our stewardesses have more oomph" of "now I know what oomph is: I flew Trans Caribbean to Aruba!" entretanto e compania aki takeda haci propaganda duro pa Aruba. Den un noticia di prensa, cu cimbachi, fecha dia 29 di april 1964, Aruba ta worde presenta atrobe den tur su esplendor na e lesadonan. Algun anja pasa e lesadonan di corant na Nueva York y alrededor tabata lesa cu sorpresa un aviso tocante un isla den Caribe cu un rey Mericano. E isla ey tabata Aruba y e rey ta turista Mericano, cu segun su deseo, e tabata tin e clima di verano di mas bunita, beachnan grandisimo cu santo blanco manera blancura di satin y laman fresco y colo blau henter anja largo, y tambe e por cumpra souvenirnan cu duty-free (you'll save a king's ransom) y un hotel manera un palacio (Aruba Caribbean Hotel-Casino). E aviso tabata firma abou pa Trans Caribbean Airways, e tempo ey e unico compania Mericano cu tabata tin vuelonan regular na Aruba. Esaki ta segun e noticia di prensa aki ta worde bisa tambe di e hecho, cu cuminzamento di 1960, cu T.C.A. a dicidi pa bini akinan, gobierno a garantisa T.C.A. pa e periodo di

comienzo un cierto minimo na entrada. "Tabata un oferta bunita, pero nunca T.C.A. mester a trata cu e tesoro Arubano pa algun pago a base di e garantia aki duna", esaki atrobe segun e noticia di prensa, cu a observa, con den e prome diesdos lunanan T.C.A. a trece 8.391 pasaheros pa Aruba, un cifra cu a subi na anja 1963 te 19.511, y di unda 10.600 ta bini for di Nueva York. Sin embargo ta worde muestra riba esaki den e relacion aki, cu e 19.511 ta bin cay riba menos cu medio 27 viahadores pa dia, loke ta nifica anto, cu e beach esplendido di Aruba no ta jen ainda y cu ainda tin lugar suficiente pa mas. "Y e tempo di vuelo for di Nueva York pa Aruba cu e fan-jetnan ta apenas dos hora". "People who have looked upon Aruba as their private discovery will have to make room for more sun-worshippers who like their Caribbean island clean and wind-swept". Por lo menos asina T.C.A. ta pensa.

Esaki ta e isla di grua "Lepelaar" cu lo worde usa pa extension di e haf di Ijmuiden. E isla por traha riba un profundidad di 16 meter y e capacidad maximo di e grua ta 50 ton.



## ANTON FELIPE PROME PINTOR EXPOSITOR DI 1964

ORANJESTAD, 21 mei.- For di diabierne 22 di mei te cu diadomingo 7 di juni lo tin den centro cultural na Oranjestad un exposicion di pintura di e pintor Surinamenjo Anton Felipe (J.A. Philipszoon), un dokter Surinamenjo estableci na Hulanda y un ruman homber di e conocido agente di seguro na Aruba C.G.G. Philipszoon. Anton Felipe, kende tin 59 anja ta un autodidact, kende ya cu su 18 anja tabata un pintor masha entusiasma. Dia cu e tabata tin 46 anja el a bira miembro trabahador di Amsterdamse Vereniging van beeldende kunstenaars St. Lucas.

Cu pintamento di abstracton el a cuminsa te na anja 1962. I na februari di anja pasa su "trabao den estilo nobo" a worde exponi pa prome biaha na "De Drie Hendriken" na Amsterdam. Ya caba e pintor a expone varios biaha su trabao: den kunstzaal Van Hulzen na Leeuwarden, den kunstzaal Vlieger na Amsterdam, e kunstzaal Arti na Utrecht y den Maison le Chat Qui Pelote, tambe na Amsterdam.

Na anja 1951 Sticusa a organiza un exposicion di trabao di Anton Felipe na Amsterdam, Paramaribo y Nieuw Nickerie. E iniciativa aki a worde repeti na

anja 1957 door di Cultureel Centrum Suriname.

Exposicion cu por worde mira na Aruba awor, y cu ta consisti cu algun excepcion, solamente di trabao figurativo, a worde componi for di partinan cu apresenta durante diversos viahenan di vacacion pa Aruba, Curacao, Suriname, Hulanda, Francia: Spanja, Portugal, Italia y Marocco. E acuarelnan di Saba y St. Eustatius a worde haci segun schetsnan di potlood for di anja 1932. Tempo cu dokter Philipszoon tabata staciona como dokter di gobierno na St. Eustatius. E trabounan di unda e exposicion aki a worde componi (acuarelas, gouaches, dibujonan y pintamento di azeta) den diferente sentido ta hopi distinto di otro, no solamente den color y forma di expresion, pero principal den e esfera. Un paisaje na Hulanda no por causa e mesun impresionnan cu un for di Antilla, Italia of Sud-Francia. Si e espectador ripara e diferencia den e esfera y karakter entre e diferente paisajenan, y purba e diferencia den impresionnan cu e pintor a hanja, e ora ey segun e comision di exposicion di Centro Cultural Aruba kende ta percura pa e exposicion, e proposito a hanja exito y e exposicion lo corresponde na su doel. E exposicion lo worde habri diabiernes awor pa 5.30 or p.m. Door di ministro E.O. Petronia.

### PALAIS ORIENTAL

ta solicita

Un cosedora

y

Un bondedora hoben

pa drenta servicio pronto. Pa mas informacion acudi personalmente na Palais Oriental (P'abao)

BO A PIDI

GAS CABA?



1898 - 1198

TA SOLICITA  
PA HUUR

VARIOS PENSIOEN.

Na oferta agrega  
prijs pa persona  
pa siman.

Pa mas inf. jama tel. 2811.



Materialnan di construccion di  
calidad y na prijs atractiva e-  
sey ta solamente na

PETRONA & CROES

Cumpra bo tairanan

Continental

awor y laga nos  
monta nan

GRATIS pa bo.

Tur tamanjo na existencia.

E. & G. MARTIJN  
(ARUBA) N.V.

Havenstraat 10-12  
tel. 1492 - 1493



# NOTICIANAN DI POLIS

SAN NICOLAS, 21 mei.- Diasabra mainta tabatin un tiramentu na San Nicolas, cual na wowo di angua no a termina cu morto. Mainta pa mas o menos dies or e mecanico P.J.L. di 34 anja a topa cu su rival y colega di 23 anja ariba caja. E dos personanan aki hopi tempo caba ta hiba como enemigo di otro y awor e rival D.J. a opina cu a jega momento pa mustra L. na un manera duro pa recorde di nan plei-

to cu otro. J. tabatin un jabí pisa cu e kler a dal e otro cu ne. Esaki sin embargo no a perde tempo y a saca un revolver y a tira ariba su rival. E bala apasa dwars den gargante di D.J. Gracias na operacion rapido por a worde evita cu e víctima a muri. E culpable despues di etiramento a bula den su auto y corre bay. Esaki por a worde deteni pa tres or door di polisnan y awor ta cera.

ORANJESTAD, 21 mei.- Den anochi di prome pa segundopentecoste un bottelarij den vecindario di haf na Oranjestad a hanja bi-shita indeseable.

Dos tercio cu a kibra e lugar a drenta den e fabrica, despues di a causa algun danjo, nan a horta algun ficho y algun vale di gasolin.

Un ora despues dje robo caba polisnan a gara F.Q. di trinta anja, kende tabatin parti di robo den su saco ainda. Dialuna anochi su ayudante tambe un tal C.W. di 40 anja a bay tras di trali. Tambe e typo aki tabatin algun di e cosnan cu nan a horta den su saco.

ORANJESTAD, 21 mei.- Polis di Aruba tabatin un weekend di pentecoste basta ocupa. Na tur tabatin 58 boet, di cual 14 pa sintamento riba murayan y stupinan den Nassaustraat, 16 pa buracheria den publico y tres pa stuurmento di auto bou di influencia di bebida y tambe dos pa corrompimento di auto cu gran velocidad.

Polisnan a duna 14 waarschuwing, nan a duna 18 asistencia, cual 9 persona pa nan conducta y a duna dos mediacion, tambe nan a registra 16 dalmento di auto. E chokenan aki a causa tres persona seriamente herida y cuatro leve herida, tambe un danjo total di fl. 13.131,10.

Diasabra mainta den Indianenweg na Oranjestad tabatin un dalmento entre e autonan A-5704 y A-1235, respectivamente maneha pa T.P. y K.H. E chofer a cay for di e auto y a hanja algun herida.

E prome auto tabata total loss (500.--). E otro auto tabatin un danjo di fl. 4.000.--.

Dos ora despues e auto di famia A-5733 maneha pa J. van S. a kita foy caminda, unda despues e auto a bin bolter. E chofer y su senjora a worde transporta den auto di dienst di polis pa hospital, na unda e homber a keda. E danjo na e auto ta worde calcula riba fl. 1.000.-- probablemente e accidente aki a tuma lugar pa motibo cu e chofer mester a kita pa un hende cu tabata canando riba e caminda.

Dialuna atardi un auto a bolter bandi Pos Chikito, y e chofer a logra di corre bay. E polis no a hanja M.C. na cas, pero despues nan a worde informa cu e mes a bai San Pedro Hospitaal, na unda nan a tene pasobra e tabata keha su nek y su lomba. E auto a keda total loss cu un dajo di mas cu fl. 2.000.--. Nan ta investigando motibo di e accidente.

Diadomingo mainta e mucha miher di 17 anja F.C. a cay di su bicicleta den Arendstraat bandi pensioen Primavera, esaki a sosedo pa motibo cu e pedal a mishí cu rand di e acera. El a kibra su pois y nan a hibe pa San Pedro Hospitaal.

Diadomingo atardi bandi 4.30 or e auto di famia A-226 maneha pa J.R. a kita foy caminda banda di grot di Lourdes na San Nicolas, y a bin dal contra un piedra. E auto a hanja un danjo grandi (fl. 1.000.--). E worde haci un investigacion pa motibo di e accidente.



"SANTA PAULA" y "SANTA ROSA" bapornan

moderno di **GRACE LINE**, semanalmente ta trece turista y carga pa nos isla.

\*Usa e servicio eficiente di **GRACE LINE** biaha via **GRACE.**

Agente:

**EMAN TRADING CO. INC.**

Oficina tel: 1156-1554-

5054-5055

Dock tel: 2135



Diasabra anochi un tal E.C. riba caminda di Kibaima pa Santa Cruz, banda di Jamanota Club, a cana dal contra e banda di e auto di familia A-8395, cu tabata maneha pa H.B. door di esaki el a cay.

Mientras cu e tabata sinta meymey di caminda y tratando di kita e spanto foy su curpa un otro auto, maneha pa E.B. number A-8601 a pasa dal E. Y den ambulance nan a hiba e homber C. pa Lago hospitaal, na unda nan a trata su rascanan. El a keda un anochi den hospitaal.

Na e caminda door di Brazil parti este, e auto di famia A-793 a corre dal contra un palo di E.L.M.A.R. den e anochi di diadomingo pa dialuna. Probablemente e auto aki tabata maneha pa H.B. kende na e momento ey tabata bou di influencia di alcohol. E danjo tabata fl. 1.500.--

Diadomingo anochi R.O. como chofer di A-4087 a dal den Guyabastraat contra e autonan cu tabata parkeer eynan, y nan ta A-13 di H.Q. y A-7232 di O.P. Sr. O y su señora a haya ayudo medico na San Pedro Hospitaal, y despues di esaki nan por a bay cas bek. E chofer, tabata segun polis, incapaz pa stuur un auto, pa motibo cu e tabata bou di influencia di alcohol. E danjo total ta worde calcula riba fl. 1800.--

Diamars banda di 11'or e bus B-4 maneha pa C.E. a boks contra e auto di famia A-4234, na e crusada di van Leeuwenhoekstraat y Hospitaalstraat. E auto A-4234 tabata maneha pa J.R. E danjo ta fl. 1.300.-- Preferencia no a worde duna.

Recherche na Aruba a aresta dos hoben pa sospecho di a comete ladronicia. Nan ta WPB di 26 anja y AAW di 24 anja. E hobennan aki ta worde sospecha di a comete varios ladronicia, entre otro nan a horta na un restaurant na San Nicolas, na unda nan a hiba basta placa y varios obheto mas. Recherche nan lo watch e dos typonan aki extra skerpi.

## L mester bai psiquiatro

ORANJESTAD, 21 di mei - E homber di 54 aña E.Z.L., kende riba un mainta tempran di dia 9 di april ultimo a hinc un sirvienta joven di Haiti cu un puñal, na un lugar keto na Paradijs, despues di un discursio, y cu e sirvienta a muri a consecuencia di esaki, y cu Officier van Justitie a exhihi un castigo di seis aña contra dje,

diabierne pasa juez a ordena un investigacion psiquiatrico. Sr. - P.V. v. Sjiem Fat, kende ta L. su abogado den e caso aki, a pidi esaki dilanti den su defensa. En coneccion cu esaki e sentencia di e juicio a worde aplaza pa tempo indefenido.

## Cincu anja exihi contra atacante


ORANJESTAD, 20 mei Officier van Justitie a exhihi cinco aña di castigo di prison contra B.H., di 27 aña, kende dia 21 di april mainta a ataca na un manera bajo un señora di 84 aña, kende tin un tiendecita na Savaneta, y a maltrata y horta e señora aki. E señora bleeuw aki cu a resisti cu tur su forza, a yuda e recherche pa haya e culpable e mesun dia. E boin di e ataca di robo tabata seis papel di dies florin. Pronto juez lo duna sentencia. Sr. T.F.B., segun nan ta bisa, tabata huy dialuna nochi riba su scooter A-228 pa polis, kende tabata sigui, tabata tin mala suerte ora cu el a corre sali di Awakatiestraat y a kere cu e por pasa den Fergusonstraat sin stop. E scooter a bin dal net contra e auto di polis, cu tabata sercando e D-432, maneha pa O.F. e chofer di e scooter a kibra su pia (bil) robes, mientras cu su acompañante - Q.M. a worde tuma na hospital cu un hersenschudding

## Ruby ta hanja tratamentu

DALLAS TEXAS, 21 Mei. - Jack Ruby, ta worde somete na un tratamentu psiquiatrico special den su selda. Nan kier liberele di su depresion, segun e procurador di distrito Henry Wade a declara awe. Wade a bisa di no sa exactamente na cual tratamiento nan ta somete Ruby. Juez Joe Brown a bisa: cu mi ta kere cu nan ta dune pilshí pa bira contentu o algo por estilo. Jack Ruby e ex-donjo di 53 dje club nocturno a worde condena pa motibo di a asesina Lee Harvey Oswald, e probable asesino di president Kennedy. En relacion cu un rapport psiquiatrico Wade a bisa, cue no tin nada contra tratamentu di Ruby den un hospital, pero si ta contra e plan di defensa di trata actualmente dilanti un jurado e kestion di mentalidad stroba di Ruby.

## Reunion di EEG na Bruselas

BRUSSEL, 21 mei. - E minister-nan di agricultura dje seis paisnan dje comunidad economico e Europeo a llega Bruselas pa un reunion di tres dia. E punto mas



## ATHLETE'S FOOT?

USE

**Absorbine Jr.**

America's No. 1  
Athlete's Foot Formula

At the very first sign of raw, red cracks between your toes... apply liquid Absorbine Jr.

Laboratory tests showed Absorbine Jr. killed 100% of Athlete's Foot fungi in test tubes in less than 5 minutes!

Use Absorbine Jr. regularly!

Available at all Drugstores.

Agents:

**Marchena, Moron & Co. N.V.**

principal riba agenda ta worde forma atrobe pe kestion di prijsnan di maishi. Nan ta tratando un proposicion nobo dje comision Europeo a base dje plan Mansholt, pa importacion di un prijs comun di maishi den e seispaisnan pe anja di cosecha 1964/67. Den e proposicion revisa aki nan ta cumpli cu e contrariedadnan cu a wordu expresa algun luna pasa pe republica federal Aleman.

## Adlai Stevenson pa Washington

NEW YORK, 21 Mei. - Adlai Stevenson, lider dje delegacion Mericano cerca Nacionnan Uni cu manera anuncia a worde llama bek pe minister Mericano di asuntunan exterior Dean Rusk, fol London mayan lo tene den conseho di seguridad un discurso importante tocante e situacion na Suroeste di Azia cu ta empeora. Segun a worde participa awe na New York pa un bosero dje delegacion Mericano cerca Nacionnan Uni. El a bisa que declaracion cu Stevenson lo tene, ta forna e rasonnan di mas principal pe desicion di Rusk, pa llama Stevenson bek. E bosero por a bisa nada tocante contenido dje discurso di Stevenson. Mayan nan lo continua den conseho di seguridad e debate tocante keho di gohierno cambodjano, cu Merca y Vietnam del Sur varios biaha a comete agresion contra cambodja.



It never varies



Sabor cu nunca ta varia



## Conseho di seguridad ta trata keho di Cambodja contra Merca

NEW YORK, 21 mei.- Rusia por medio di su delegacion permanente cerca Nacionnan Uni, Nikolai Federenko, a acusa Merca di a descadena un guerra contra e pueblo di Vietnam del Sur y no cumplimentu di nan obligacionnan bou dje acuerdo di Ginebra di 1954 tocante Indo-China. Te militarnan Mericano cu ta conduci tur e operacionnan di trupanen Sur Vietnamese y ta laganan comete agresion contra pueblo Cambodjano, segun Federenko den conseho di seguridad, cu a reuni pa papia tocante keho Cambodja no tocante hechonan di agresion di Merca y Vietnam del Sur contra e estado neutralista.

E ruso no kier a scucha un delegado di gobierno di Vietnam del Sur. E gobierno na Saigon segun e ta ilegal y no ta representa e pueblo sur Vietnamese. Conseho di seguridad a dicidi di invita cu 9 contra dos voto (esun di Rusia y Tsjecho Slovakia), un repre-

sentante di Vietnam del Sur pa participacion ne debate.

Vietnam del Sur lo no haci cuenta na ningun desicion dje conseho di seguridad si e no hanja ocasion pa anuncia e conseho su punto di bista, segun e ministerio pa asuntunan exterior na Saigon a declara. E conseho di seguridad ta trata e keho di Cambodja tocante agresion di bandadi Merca y Vietnam del Sur.

## Matamentu na Georgetown

Georgetown, 21 Mei. - Na irregularidadnan den becindario di Georgetown, 4 hende di colo a mata un Indio y a herida unograme. E cantidad di mortonan causa na dificultadnan rasial, ne huelga den industria di sucu a bira actualmente 20. Den e ultimo dianan tabatin varios irregularidad. Na un plantashi Britaniconan a sconde un oficina na candela. Tambe nan a kima canja na un bator di 50.000 florin Ulandes.

## Mama acusa di a mata su jiu

BRUSELAS, 21 Mei. - Na Namen awe a cuminsa un proceso contra Marie Jose Longpre di 34 anja, cu ta acusa di a asesina su jiu homber Pierre di diesshete luna. E cadaver dje baby a worde hanja algun dia despues sinu den e riude Sambre. E mama durante interrogacionnan cu a dura dianan largo a para riba cu su jiu a worde secuestra. Nan a saca su jiu for su waga, quelalaga para den porta di un tienda den e luga Auvelais mientras el abai haci algun compras. E muher tin ainda seis jiu mas. Esun di mas hoben a nase na februari dje anja aki den prison. El a hanja e nomber di Jean Pierre.

E circun stancianan bou di cual e incidente a tuma lugar, a worde investiga minuissiosamente den ultimo simannan pa autoridadnan di forsa aerea Mericano.

For di e investigacion ey a resulta, cu e aparato a desvia su rumbo door di un defecto den e compas.

LABAMENTO DI PAN-  
JA SIN DOLOR DI CA-  
BEZ



gracias na yudaniza di

REDDY!

## Obreronan turco a jega Hulanda

Schiphol, 21 Mei. - Bou di acuerdo di adquisicion cu recientemente a worde firma cu Turquia, a llega Ulanda awe tardi den un avion Turco e prome 56 obreronan Turco for di Ankara. Nan lo traha na Elst na construcion di tuberianan di gas entre Zutphen y Bontel. Door di e tuberia aqul gas terrestre for di Slochteren lo worde dirigi pa parti Sur di Ulanda.

## Comunismo na Colombia

BOGOTA, 21 Mei. - Tres batallon di ehersito di Colombia ta di caminda pe territorio di Marquetalia, cu ta goberna pa elementonan comunista, pa drecha orden. E comunistanan a forma un sorto di estado cu un propio gobierno y propio unidad di Moneda. E habitantenan dje comarca, mas o menos 5000 meste paga belasting pa sostene administracion financiero. E lider dje revolucionarionan ta un tal Manuel Marulanda Velez.

e comision di exposicion di

## Cultureel Centrum Aruba

ta invita bo na un exposicion di pinturanan di

## ANTON FELIPE

cual exposicion en coperacion cu STICUSA lo worde teni di diabierna 22 te cu diadomingo 7 di juni

Diariamente, cu excepcion di e dia di apertura, for di 4'or p.m. te 10'or p.m.

entrada gratis.




CHIKITU Y DUSHI - Esaki ta un baño chikitu hapones di plastic qu a ser exhibi durante e Design Engineering Show qu a tuma lugar na Chicago. E modelo Ingrid Brammeyer a bisa despues qu e material plastico ta dushi y cayente.

## Frans Hals original

## a worde descubri

AMSTERDAM, 21 Mei. DEN E MUSEO Frans Hals na Haarlem algun dia pasa un coleccionista particular a demostra un portret di un solo homber. E director dje museo, Senjor Baard, a reconose e obra aki como un original Frans Hals, cu ta data di anjanan 40 di siglo 17. E portret cu a worde cumpra na Ulanda como obra di un pintor desconoci, probablemente a worde drecha varios caminda cu pintura. Despues dje restauracion a resulta cu ta trata di obra dje maestro di Haarlem, y ta bon mantene.

Den e fabricanan di Mc. Donnel Aircraft Corp., caminda e proyecto Gemini ta ser fabrica e dos astronautan Virgin I. Grisson (r) y John W. Young (d) bisti den nan uniforme di espacio, ta demostra e Geminisimulador na prensa. E aparato aki por trese yudaniza na problemanan cu lo por surgi durante e vuelo di e cohete Gemini den espacio.



# REY DE COPAS

## TA REGALA FLS. 4000.--

Na su consumidornan

**Simplemente duna e cuater popchinan den showwindow di oficina di Rey de Copas un bunita nomber y gana placa! Awor tin fls. 1000.-- di premio pa cada nomber favoreci.**

**Awor cuatro ruman...**

**Awor cuatro mil florin**



**"Las cuatro hermanas" otro concurso incomparable cu fls. 4000.-- pa regala!**

### REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena quantu formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

**SEMPER E FAVORITO**

## RON REY DE COPAS

EL REY DEL TRAGO

### NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



# REY DE COPAS

**ARUBA DISTILLING CO.**

**Wilhelminastr. 47**

**Tel. 1266**



## MICROFONAN DEN EMBAHADA

### MERICANO NA MOSCU DESCUBRI

WASHINGTON, 21 mei  
E ministerio Mericano di asuntunan exterior a anuncia, cu den murayan dje embahada Mericano, na Moscu a ser descubri un red di microfono. E ministerio a protesta seriamente cerca gobierno Ruso.

Segun e ministerio, e microfonona a worde pone den e edificio prome cu Merca a huur esaki na anja 1953. Ta ser supone, cu por lo nlenos algun dje microfononan aki tabata worde usa, ora cu nan a worde descubri, segun e ministerio. E declaracion dje ministerio a worde lesa pa un conferencia special di prensa. Funcionarianan Mericano a bisa cu semper nan ta tene na conversacionnan den embahada cuenta que posibilidad cu nan ta worde scucha. Prome que microfononan a worde descubri, techniconan Mericano a demonta un dje cuartonan dje edificio di embahada completamente.

Funcionarianan di State Department a declara, que prome microfononan a worde descubri dia 23 di April pasa, y despues nan a hanja mas di 40. Masque microfononan no tesnan dje ultimo intento, nan ta suficiente pa capta conversacionnan, cu ta ser haci na tres te 4 meter di distancia den e cuarto. Funcionario nan dje ministerio a llama e caso aki esun di mas serio cu a tuma luga cerca un representacion diplomatico Mericano tras corti-

Diesocho homber di Marina Real a worde escoge pa forma parti di e tripulacion mescla di e cazatorpedero mericano "Biddee". Seis di nan a worde publica y por mira nan riba e portret aki.

na di heru. E aparatonan probablemente tabata dje periodo di 1952.

### Ayudo na paisnan di desarollo

BONN, 21 Mei. - Segun e minister di Alemania Occidental pa cooperacion economico, Walter Scheel, Francia y republica federal di Alemania tin idea pa haci comercio cu otro a beneficio di paisnan di desarollo. Den lunanan venidero, e gobiernonan di ambos pais lo estudia proyectonan pa Latino Americano, Africa y Legano Oriente. E minister a participa periodistanan Frances cu ta bishitando Aleman Occidental esaki. General De Gaulle na juni proximo lo delibera que canceller federal Ludwig Erhard tocante e kestion aki durante nan encuentro na Bonn, segun e minister a agrega.


### Bringamentu na Peru

LIMA, 21 mei. - Polis na Lima cu gas lacrimogeno a ocupa dies-un fabrica di metal, cu a worde apodera pa e personal comoparti di un accion di welga.

En total obreronan cu ta welga a ocupa 22 fabrica pa expresa nan malcontentu tocante nan sueldonan. Den un di e empresanan empleadonan a worde detene como rehen, mientras cu den un otro fabrica polis a worde ataca cu piedra y bomnan di candela.

### Lansamentu di Merca

CABO KENNEDY, 21 mei. - Otro siman Merca lo lansa un model di prueba di e satellite Appollo, cu na anja 1969 lo mester hiba tres homber riba luna. Un raket Saturnus lo hiba e satellite cu lo ta carga solamente cu instrumentonan den un orbita rond mundu. E oficina Mericana pa aviacion y vuelonan den espacio quier experiencia cu e prueba aqul entre otro desarollo di un raket di propulsion. E raket ey lo ta dos biaha mas largu cu esun actual, cu ta 38 meter.



Ultimamente un fase importante den construccion di e Assoeandam di Egypto a termina; cu forzanan conhunto srs. Chroesjef, Nasser, Aref y Sallal ta primi e knoppi cu cual un barrera di santu den e riu Nilo a worde bula, pa asina cambia e curso di e riu.

### Rusia mester paga su debe di N.U.

London, 21 Mei. - E delegado Mericano cerca Nacionnan Uni, Stevenson, a tene un mitin cu prensa den cual el a bisa entre otro cu e Rusonan nieste paga nan debe cerca Nacionnan Uni. Nan tin mes interes na e operacionnan di Nacionnan Uni cu nos. Pero Merca no ta eherce presion riba nan. E doctrina di e organisacion ta mas cu cla. Cada miembro cu tin mas cu dos anja atras cu su contribucionnan financierata perde su derecho di voto den reunion general. Tocante Sur Africa Stevenson a bisa cu Merca no ta dispuesto pa tuma sancionnan economico contra Sur Africa. Esaqui parce, a base di articulo shete di e carta di Nacionnan Uni, por worde aplica solamente si paz seguridad internacional ta na peliger.



# AGENDA

**ARUBAANSE COURANT**  
diariamente cu excepcion di  
diadomingo  
subscription f. 3,25 pa luna  
edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.  
- Imprimi na:  
N.V. DRUKKERIJ  
„DE STAD,”  
Telefoon 1116 Directiva y redac-  
cion, 2116 Anuncio y subscrip-  
cion.  
Directeur hoofdredacteur:  
D. Wolff.

**POR CUMPRAR ARUBAANSE  
COURANT NA E SIGUENTE  
LUGARNAN:**  
  
NA ORANJESTAD:  
BOEKHANDEL MARISKA.  
PIET SODA FOUNTAIN.  
REFRESQUERIA INGRID.  
  
NA SAN NICOLAS  
NICOLAAS STORE.  
UNION STORE.

## BOTICANAN DI WARDA

Oranjestad Botica Aruba Tel.  
1080 1081.  
San Nicolas Botica San Lucas  
Tel: 5119

## CINE

De Veer: 8.30 p.m. "Ursus, de  
Wreker der Slaven" 18 j  
Rialto: 8.00 p.m. "Hands of  
a stranger" 18 j  
Principal: 8.00 "The Keeleer  
Affaire" 18 j  
Aurora: 7.30 p.m. "The Big  
Circus" all  
Savaneta: 8.00 p.m. "The Son  
of Sparticus" all.

## TELEARUBA

6.00 Public Service  
6.30 Corlis Archer  
6.45 Papiamento Newscast -  
Live & Filmnews  
7.30 Sea Hunt  
7.45 Papiamento Sportnews  
8.15 Tombstone Territory  
8.45 The Honeymooners  
9.00 English newscast-Live &  
Filmnews  
10.00 Ben Casey  
10.30 Border Patrol.

## RADIO CARACAS TELEVISION

8.45 Senderos de luz.  
9.00 T.V. Educativa.  
10.30 Cosas de mujeres.  
11.15 El hogar y la moda.  
11.45 Novela.  
12.00 Noticias.  
12.05 Show de Renny.  
13.15 Se necesita una amiga.  
13.35 Cortos.  
  
14.00 Yo se lo vendo.  
14.30 Documental.  
15.00 Estudio de Hector Monte-  
verde.  
15.30 Perfecta ama de casa.  
16.00 Mejias y sus muchachos.  
16.55 Busque su marca.  
17.15 Loteria.  
17.30 Cero Uno.  
18.00 Ruta 66.  
19.00 Rifle.  
19.30 La Guachafita.  
20.00 El Observador.  
20.15 Yolanda Moreno.  
20.45 Las cosas que yo he visto.  
21.15 Julian Pacheco.  
21.45 Dr. Kildare  
22.45 Noticias.  
23.00 Cine Americano.

## RADIO VICTORIA

A.M.  
6.00 Peticiones  
6.15 E Bijbel Habri  
6.30 Ultimas Noticias  
6.45 Ecos del Cielo  
7.15 Bo Musica Favorito  
7.45 El Sendero De Vida  
8.00 Gymnasia  
8.15 Joyas Del Hogar  
8.30 Ultimas Noticias  
8.45 Musica Español  
8.45 Musica Di Banda  
9.00 Noticias Español  
9.15 Control Central.

9.30 Morning Melodies  
10.00 World News  
10.10 The Bible For You  
10.15 Through The Bible  
10.45 Thoughts On Home  
11.00 Chapel Of The Air

11.15 El Pan De Vida  
11.30 Melodias Di Merdia  
P.M.  
12.00 Ultimas Noticias  
12.15 Musica Sagrada

12.24 Thought For The Day  
12.30 World News  
12.45 Quiet Time  
1.00 Radio Concert Hall  
2.00 Reading Room  
2.15 Songs Of Zion  
2.30 Quiet Hour  
2.45 Radio Revival  
3.15 World News Headlines

3.20 Ensueños Musicales  
3.45 Prosa y Peorias  
4.15 Ultimas Noticias  
4.30 Musica Di Banda



4.45 Noticias Español  
5.00 Melodias Del Alma  
5.15 Palabranan Di Bida

5.30 Sacred Songs  
6.00 World News  
6.15 Musical Interlude  
6.30 Fun With Music  
6.45 Listening Post  
7.00 Organ Memories  
7.15 Off The Record  
7.30 Back To The Bible  
8.00 Musical Gems  
8.30 Nederlands Nieuws  
8.45 De Groene Weide

9.00 Klassieke Muziek  
10.00 Sign Off

## Robert Kennedy ta bai Berlin

WASHINGTON, 21 mei.- E mi-  
nister Mericano di husticia, Ro-  
bert Kennedy, lo bishita Berlin  
occidental dia 26 di juni riba in-  
vitacion di burgemeester Brandt.  
Den edificio municipal e lo inau-  
gura un relieve di defunto pre-  
sident Kennedy.

Door di un cortocircuito  
e monorail-trein di e  
exposicion nacional na  
Suissa a keda para dife-  
rente blaha. Riba e por-  
tret por mira con e pa-  
saheronan mester a baha  
for di e trein cu trappi.

## Tortura di un amor NOVELA

No. 6.

E keirmento ta planea caba. Con-  
desa Hulla a bolbe alcanza loke e ta-  
bata kier. "Pero Nicol Repro-  
chante e Conde bjeew a keda  
mira su jiu. "Mi a kere cu bo  
tin trabao di haci ainda?" E  
cara di e Conde Joven a cambia.  
"Bo mester laga e cosnan sigui  
nan mes marcha, papa. Bo mes  
tabata kier asina?" Cu e pala-  
branan claro aki, el a sail bay  
pafo. "Si por a mira delanta cu  
ta asina sokete bo ta", e Conde  
bjeew a bisa den su mes. A-  
wor numa el a ripara cu ainda  
Andrea ta sinta na mesa. "Bin  
cu mi, mi jiu, Laga nos bay dal  
un keiro junto den e parke. Ya  
mi no tin di bay drumi mas".  
Keto nan dos a cana junto den e  
parke. Na e ultimo momento  
Theresa a bini serca, y a coy  
e saya di e tanta stima tene.  
"Bin cu mi" el a bisa. Tabata  
difícil pa Andrea sinja e chikito  
aki con ta pronuncia algun pala-

bra. "Mi tabata kier pa Hilda  
haci mes tanto esfuerzo pa su  
jiu, manera abo ta hacié, e Conde  
a remarca. "Pero e ta haci mes-  
cos cu Theresa no ta su jiu. Ho-  
pi blaha mi ta pensa, cu e ta lu-  
bida completamente cu Theresa  
ta existi". Andrea a keda keto,  
e por contesta aki riba anto? E  
Conde a hala rosea pisa, y a  
sinta riba un di e bankinan blan-  
co di e parke. "Laga nos descan-  
sa un rato akinan" Su wowonan a  
keda claba riba e bunita rozanan  
bon cuida di e parke. "Srta. An-  
drea, bo ta un mucha muhé. Pe-  
sey bo mester primintimi algo!  
Percura pa mi jiu homber, diacu  
mi no tey mas." "Pero Sr. Con-  
de". Andrea a drey miré spanta.  
"Sr. Conde ta lubida mi posicon  
den e cas aki".

"Conde Nico lo tahami, si mi  
mester hinca mi boca den su  
asuntunan priva." E homber

bjeew ta sacudi su cabez.  
"Bo no por sa, loke ami sa,  
mi jiu. Despues lo bo corda  
bek riba mi palabranan, y e  
ora ey lo bo compronde miher.  
Y lo bo cumpli cu mi deseo, y  
percura pa mi jiu homber, no  
ta berdad? E ta henteramente  
otro di Randolph y pesey e no  
ta permiti y e no ta worde hun-  
di pa e muhe aki. Un di e El-  
mernan tabata suficiente." Tur  
dos a keda keto, despues cu e  
Conde a caba di pronuncia e pa-  
labranan aki. E Conde sa, ta cu  
kende e ta papiando, y ken ta  
sinta banda di dje? "E ta un di-  
ablo", e Conde a bisa, "pero lo  
mi kita e segundo victima di me-  
mey di su djentenan". Andrea ta  
miré tristo. E ta compronde ma-  
sha bon, con un curazon di unta-  
ta por sangra. Hulla no ta un mu-  
hé cu por haci un homber felis.  
Tras di su cara bunita ta sconde  
friaidad y egoismo. "Laga nos  
bay!" Di repente e Conde ta cana  
manera un henda sin forza y  
un poco bira. Sin cu e sa, An-  
drea a duné su man pa e tene na  
dje. Cu gratitud e ta sostené su  
curpa contra e braza di Andrea.  
E atardi ey ta serca di pasa, o-  
ra cu nan ta sercando e castillo.  
Nan tras, nan ta tende sonido di  
pata di cabay. Hulla y Nico a bol-  
be bek di nan paseo. Andrea a  
drey mira patras. E bunita muhé  
lo ta satisfecho? Aparentemente

no, pasobra riba su cara tin un  
impresion rabia. Ta kende of ta  
kiko por a irrité? Awor ei a dal  
e cabay un klop pa obligé di  
bula over di e canal hanchu ey.  
Atrobe un otro cu no kier mane-  
ra Hilda kier. Pero uno cu mes-  
ter tende di dje incondicional-  
mente y pa kende Hulla su orden  
ta conta. Atrobe e ta purba en-  
vano, y Condesa Hulla ta cumin-  
za sinti, cu e ta haci su mes ri-  
diculo den bista di e otronan. Su  
cara a cuminza bira corra. Na e  
di cinco prueba cu a bolbe faya,  
ei a hiza su zweep y dal e cabay  
sin duele duro, te cu e cabay a  
cuminza grita duro y cu doló.

Andrea y e Conde bjeew ta pa-  
ra, manera hende claba na vloer  
mirando e explosion di rabia.  
Theresa a cuminsa jora. Na  
cualquier manera e foramento di e  
mucha a haci e rabia di e Conde-  
sa bira mas duro y mas brutal. Na  
e mes un momento ey a sosode al-  
go cu no ta imaginable. Andrea, e  
sirviente kende Condesa Hulla tin  
rabia riba dje, a jega serca dje  
ranca e zweep for di su man y a  
benté den e canal di e castillo. Pa  
un momento Andrea a keda mira  
insegur den rond y despues ei a  
corre dreña den e castillo. "E-  
sey si ta calmol Esey mi ta pusha  
cu su nanishi den e canal" Na un  
manera brutal Condesa Hulla ta  
grita den su rabia. Su cabey pre-  
tu ta habri riba su schouder y den

su wowonan tin candela di rabia.  
"E mester paga pa esey, e fiera  
sin berguenza ey!" El a pusha e  
cabay, y a bin para net dilanti di  
su suegro. "Awor bo a mira cu  
bo mes wowonan, te na unda bo in-  
dulgentia ta jega! Lo no dura hopi  
mas, y akinan ta é lo bay duna or-  
den, y no abol!" "Ya otro hende a  
purba di haci esey", tabata e con-  
testa cu bofon. "Nico", e Conde  
bjeew ta dirigi palabra na su jiu  
awor, kende a caba di duné e cri-  
arnan e cabaynan. "Mi no ta asi-  
na habil pa drecha e asunto aki  
hon atrobe, pero mi ta spera cu  
bo por reglá na e manera cu mi  
kier. Loke mi ta pensa di e su-  
ceso, lo ta comprondibel pa bo,  
mi ta kere." "Ya e ta regla ca-  
ba, papa!" Cu un impresion in-  
penetrable riba su cara, Conde  
Nico a cuminza subi e trapi di  
piedra cu ta conduci na e entrada  
di e castillo. Ya Andrea hopi ora  
caba, ta na caminda pa Thomas  
van Brit. Despues di loke a pasa  
ta imposibel pa e keda na casti-  
llo di Elmer. "E lo pidi van Brit  
pa e keda poco tempo serca dje, te  
ora cu e haya un otro trabou. No a  
dura mucho tempo, p e recohe su  
tiki cosnan, pa hinca nanden un  
maleta y pa despues sali di banda  
di patras di e castillo. Ta duele  
cu e mester bay sin despedi, mes-  
cos cu un ladron. Su promé esfuer-  
zo pa independencia a fracasa."

E ta sigui....



**RIP KIRBY**

Agente exclusivo di

**FRIESCHE VLAQ**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****CISCO KID**

pa cortesia di:


**ARUBA BOTTLING COMPANY****NESBITTS** den varios sabor, e refresconan mas pidi y mas gusta na Aruba.**BUCHI ROBEZ**

Pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

With compliments of

**OFICINA MARITIMA DE ARUBA****DOCUMENTATION & TRANSPORTATION****FOR INCOMING, LOCAL & OUTGOING CARGOES BY AIR, SEA AND LAND****DICK TRACY**

presenta pa cortesia di

**JOHN MANSUR AUTO PARTS**

na unda bo ta hanja piezanan di auto, garantisá pa nan calidad.

L.G. Smith Blvd. (P'ariba di La Esperanza) tel. 3094.

**Horoscopo personal**

**ARIES**-21 di maart-20 di april- Esaki ta un dia cu ta ofrece alientenan favorable pa asunto nan comercial y financiero.

**TAURO**-21 di april- 21 di mei- Encausa bo esfuersonan den e fasenan di bida profesional en cuanto di esnan cu bo ta sigur. No experimenta.

**GEMINIS**-22 di mei-21 di juni- Agrega bo taquen final na e proyectonan cu be tin na man si bo ta desea pa e resultado sali di bon bai excelente.

**CANCER**-22 di juni-23 di juli- Esaki ta un dia traha pa termina e plannan basico. Sorru pa bo no pone nan bai perdi.

**LEO**-23 di juli-24 di augustus- E atencion na e respuesta personal lo por dunabo e resulta pa resto di e dia aki.

**VIRGO**-24 di augustus 23 di september- Laga nos lubida lo pasado den cuestionnan di famia. Bosonan por comprende boso propio motibunan perfectamente.

**LIBRA**-24 di september-23 di october- Trata otro personanan cu e idea di gana un satisfaccion mutua. Si bo trata manera un egocentrico, ta nifica cu bo a sufrí un disilucion.

**ESCORPION**-24 di october-23 di november- E disculpanan cu nan ofrecebo awor indudablemente lo worde accepta, pero bo mester tene e orgullo di otro persona na cuenta.

**SAGITARIO**-23 di november-22 di december- Un mente agil por traduci promesanan comercial den hechonan comercial.

**CAPRICORNIO**-23 di december-20 di januari- Evita e distraccionnan cu por hasi cu un persona por perde e beneficcionan di un trabao bon hasi. Ta indudable cu un trabao uesculda lo worde nota.

**ACUARIO**-21 di januari-19 di februari- Quizas nan lo dunabo un sorpresa. Quizas e ganancia cu bo ta busca no ta yega pero tampoco lo bo sufrí un perdida.

**PISCIS**-20 di februari - 20 di maart- Esaki ta un dia pa bo mehora bo finnan domestico.

**Steward a mata capitan Pomona**

**HONOLOELOE**, 21 mei.- E hefe steward dje bapor di carga di Noruega "Pomona", a intenta di comete suicidio door di corta su venanan di pulso cu un tayo kibra. Segun polis di Honoloele a participa, cu foi llegada dje bapor ta haciendo un investigacion pa circunstancianan bou di cual e capitan dje bapor, Jacob Narvig a muri. E prome stuurman siman pasa diablerne a hanja e cadaver di su capitan den e cabina. Banda dje cadaver e hacha, cu cual e capital a hanja un sla tras di su cabes. Masque cu polis local a tuma e asunto den nan man riba peticion dje consul di Noruega na Honoloele nan no por haci ningun arestacion door cu e crimen no a wordu comete den awa nan territorial.

**Don Juan Carlos pa Bruselas**

**MADRID**, 21 mei.- Principe Don Juan Carlos y princesa Sophie di Grecia a sali ayera tardi cu avion foi Madrid pa Bruselas riba invitacion di Rey Boudewijn y Reina Fabiola.